

**30 Junie 2021****Geagte Ouers****BESKERMING VAN PERSOONLIKE INLIGTING: POPIA**

Die reg op privaatheid word deur die Grondwet beskerm en die Wet op die Beskerming van Persoonlike Inligting (POPIA) verskans daardie reg met wetlike inwerkingtreding op 1 Julie 2021. Laerskool Elarduspark verbind hom tot die beskerming van persoonlike inligting en tot die nakoming van die sperdatums vir sodanige regulasies. As deel van hierdie implementering en om aan POPIA-vereistes te voldoen, word toestemming vereis soos uiteengesit in punt 1 en 2 onder. Ons versoek vriendelik dat u die nodige dokumente sal voltooi en terugstuur voor of op Vrydag, 23 Julie 2021.

Neem asseblief kennis van die volgende

1. Die toestemmingsvorms is gebaseer op FEDSAS (Federasie van Verenigings van Beheerliggame van Suid-Afrikaanse Skole) se voorgestelde template en word beskou as 'n standaard vir Beheerliggame en Skole t.o.v POPIA.
2. Laerskool Elarduspark vra nie toestemming tot enigiets anders as die huidige modus operandi nie, maar slegs u toestemming om voort te gaan met die manier waarop ons persoonlike inligting en beelde verwerk.
3. Wees asseblief verseker dat die beskerming van ons skoolgemeenskap se persoonlike inligting vir Laerskool Elarduspark van die uiterste belang is.

A. Toestemming om persoonlike inligting te gebruik***Laerskool Elarduspark se Toestemmingsvorm - Wet op Beskerming van Persoonlike Inligting (2)***

Laerskool Elarduspark poog om selektief te wees in die gebruik van inligting met spesifieke fokus op die uitvoering van die skool se rol as opvoedingsinstelling en in die belang van die bevordering van die leerders en die skool.

B. Toestemming vir die gebruik van beeldmateriaal***Laerskool Elarduspark se Vrywaringsvorm met betrekking tot Leerderfoto's, beeldmateriaal, video's en whatsappgroepe***

Laerskool Elarduspark poog om slegs spesifieke soort beeldmateriaal te gebruik ten einde te verseker dat sodanige materiaal geskik is vir 'n skoolomgewing. Sodanige beeldmateriaal dra by tot die bemerking van die skool.



Prosedure om te volg nadat die toestemmingsvorms voltooi is:

- 'n Voltooide harde kopie van die vorm (Toestemming vir die gebruik van beeldmateriaal en Toestemming om persoonlike inligting te gebruik) moet ingehandig word by die registeronderwyser. Neem asb kennis dat geen e-pos kommunikasie aanvaar word nie.
- Voltooi deur elke kind in u gesin se naam op die vorm in te vul: Handig in by die oudste of enigste leerder se registeronderwyser.
- Sperdatum: Vrydag 23 Julie 2021.

Ons vra u ondersteuning en begrip in hierdie verband.

Navrae kan gerig word aan info@lardies.co.za

Vriendelike groete

ME H BARKHUIZEN
ADJUNKHOOF

MNR T HUMAN
SKOOLHOOF



Toestemmingsvorm ingevolge die Wet op Beskerming van Persoonlike Inligting 4 van 2013 (POPI)

Toestemming om persoonlike inligting te gebruik

- Deur toe te stem tot die bepalings van hierdie inligtingsvorm, magtig u, _____ (volle naam/drukletters), hiermee Laerskool Elarduspark vrywilliglik om u persoonlike inligting sowel as dié van die leerder, soos gelys onderstaande, te verwerk, (met inbegrip van die name, straatadres, telefoonnommers en enige ander inligting wat u aan die skool verstrek).
- Verwerking sluit in die ontvangs, optekening, organisering, sortering, stoor, bywerking of aanpassing, herwinning, wysiging, raadpleging en gebruik; die verspreiding by wyse van oorsending, uitreiking of beskikbaarstelling in enige ander vorm, of die samesmelting, koppeling sowel as inperking, degradasie, uitwissing of vernietiging van inligting.
- Hierdie toestemming is onmiddellik van krag en sal van krag bly totdat een van die voorwaardes ingevolge paragraaf 8 van die Beleid oor die Beskerming van Persoonlike Inligting nagekom is.
- Die persoonlike inligting mag slegs verwerk word indien dit voldoende, tersaaklik en binne perke is t.o.v. die doel waarvoor dit verwerk word, en indien verwerking ooreenkomstig die betrokke bepalings van POPI geskied. **Die doel van die verwerking van inligting moet met 'n werksaamheid of aktiwiteit van die skool verband hou.**
- Daarbenewens neem u hiermee kennis dat Laerskool Elarduspark persoonlike inligting met betrekking tot die behoorlike funksionering, bestuur en beheer van die skool insamel en verwerk, soos wat die Suid-Afrikaanse Skolewet 84 van 1996 en ander tersaaklike onderwyswetgewing en -beleide voorskryf.
- **Die tipe inligting sal afhang van die doel waarvoor dit ingesamel word, en sal ook slegs vir daardie doel verwerk word.**
- Ingevolge artikel 11 van POPI kan persoonlike inligting slegs in die volgende omstandighede verwerk word:
 - Indien die datasubjek, of 'n bevoegde persoon ingeval die datasubjek 'n kind is, tot verwerking toestem.
 - Indien verwerking noodsaaklik is vir die uitvoering van handeling met die oog op die sluiting of nakoming van 'n kontrak waarin die datasubjek 'n party is.
 - Indien verwerking voldoen aan 'n plig wat die skool volgens wet opgelê word.
 - Indien verwerking 'n regmatige belang van die datasubjek beskerm.
 - Indien verwerking noodsaaklik is vir die uitoefening van 'n openbare regsplig.
 - Indien verwerking noodsaaklik is om in die skool se regmatige belang op te tree.

Hierdie vorm moet in samehang met die Beleid oor die Beskerming van Persoonlike Inligting gelees word. Sien asb die beleid op die skool se webtuiste.



U regte ingevolge hierdie toestemming

U het die volgende regte:

- Die reg om te weet watter inligting gehou word, hoe dit gebruik word, en wanneer die skool dit bekend sal maak. Al voormelde inligting word vervat in die skool se Beleid oor die Beskerming van Persoonlike Inligting en Privaatheidsbeleid, wat by die skool beskikbaar is.
- Die reg om u besonderhede reg te stel. Die skool sal u inligting bygewerk probeer hou. Indien enige van u besonderhede egter verander, moet die skool onverwyld in kennis gestel word sodat ons inligting so akkuraat moontlik kan wees.
- Die reg om u toestemming terug te trek. U mag die toestemming wat u die skool ingevolge hierdie vorm gee in enige stadium terugtrek. Sodanige terugtrekkings-versoek moet op skrif geskied en aan die inligtingsbeampte van die skool gerig word. Teruggetrekte toestemming is nie terugwerkend van krag nie en sal dus nie enige vorige of bestaande gebruik van inligting raak nie.

Toestemming om bemarkingsinligting te ontvang

Deur tot die bepalings van hierdie toestemmingsvorm in te stem, gee u uitdruklik toestemming dat u inligting vir bemarkingsdoeleindes verwerk mag word, en verstaan u dat deur toestemming te gee, u bemarkingsmateriaal wat verband hou met Laerskool Elarduspark in die vorm van SMS'e, W/App, e-posse ens. van die skool / ouer-onderwyser vereniging of oudskoliere kan ontvang.

Toestemming om persoonlike inligting op uitsaaiplatvorms beskikbaar te maak

Deur tot die bepalings van hierdie toestemmingsvorm in te stem, gee u uitdruklik toestemming dat u persoonlike inligting insluitend in die vorm van video-opnames vir 'n program in verband met die skool, asook enige deelname in enige skoolsport of skoolkulturele byeenkoms op 'n televisiestasie of ander vorm van transmissie of uitsaaiplatvorm insluitend die internet, of toepassings uitgesaai mag word. Ten einde verwarring te voorkom en vir die doeleindes van duidelikheid, gee ek hiermee toestemming dat persoonlike inligting beskikbaar is vir verwerking op enige uitsaaiplatvorms van enige filiale in die MultiChoice Groep van maatskappye insluitend SuperSport Schools (Pty) Limited, SuperSport International (Pty) Limited en Showmax B.V.

Grade se Whatsapp-groepe

Deur hierdie vrywaringsvorm te onderteken neem ek kennis dat Laerskool Elarduspark Whatsapp-groepe in grade gebruik om belangrike inligting, rakende die skool, aan ouers te versprei sodat ouers ingelig kan wees rakende huidige gebeure by die skool. Ek neem vrywillig deel aan die grade se Whatsapp-groepe en sal verseker dat ek my eie privaatheidsverstellings op die Whatsapp-groepe sal stel om sodoende my eie inligting privaat te hou.



Ek vrywaar die skool van enige aanspreeklikheid wat kan ontstaan uit die gebruik van Whatsapp-groepe en moontlike inligting wat deur ander gebruikers bekom kan word.

Ek verstaan ook dat indien ek hierdie ooreenkoms wil herroep, ek dit in enige stadium kan doen deur 'n brief aan die skoolhoof te stuur.

Merk asseblief u antwoord hieronder:

Ek stem in

Ek stem nie in nie

Leerderinligting (bv. Pieter Smit, Gr.3A):

_____ Gr _____

_____ Gr _____

_____ Gr _____

_____ Gr _____

Naam van ouer/voog: _____

Handtekening van ouer/voog: _____

Datum: _____

Hierdie vorm moet terug skool toe gestuur word as bewys dat die brief deur die ouer gesien is en of daar toestemming gegee of nie gegee is nie.